

Өөдөн даалгъвр

КПСС-н XXI хургин шийдвэрмүдиг күүцэхэр, дахад Хальмг республикиг Ленинэ орденэр ачлснд байр кедж, мана колхозин загъсчир намрин загъс анхилгүнд ик өргөмджтэгээр гарч йовцхав.

Мана загъсчир КПСС-н ЦК-н болх Пленумд болн Алдр Октябрьск революцин 42-ч өбнд нерэдси дөрлдэнд орцад, загъс анхилгүна 25 хонгин эргид турвдгч кварталин зура күүцэх болдж үгэн өгцхав.

Загъс анхнх ормдан түрүн болдж Галкинэ, Мукебеновин, Игнатьевин, Зубковин, Сундетовин, Гладченковин ставной шүүгүлмүдин звенос ирцхав. Эднэ дару Порахинэ, Харцхаевин, Манджиевин, Харлиевин, Проскуряковин, Мурсалимовин болн Чаркинэ звенос бас шүүгүлмүдэн тавцхав. Августин чилгчэр эднэ ардас наадк звеноснь бас цугтар тенгст орцхав. Ут- турштан мана колхозас 27 ставной шүүгүл болн джилктэ 81 онгыгцс болн 4 моторн сав тенгст загъс анхнджана.

Мана колхоз гурвдгч кварталд 10.421 центнер загъс бэрхми билэ. Сентябрьн 20-д 9200 центнер загъс бэрэд, оруудж өгв.

Түрүн нүүрт йовхнь звеносин толгачир Сундетов, Проскуряков, Харлиев, Жулин, Мукебенов, Надбитов, Быков, Кантемиров, Манджиев, Васильев, Тещин, Ермуханов болн нань чиги улс. Мана колхозин болн райо- на тоомсрта загъсч Сундетовин звено түрүн болдж кварталин зурагъан күүцэгээд, сентябрин чилгчд джилэ зурагъан күүцэв. Ода үр Сундетов Алдр Октябрьск революцин 42-ч өбнд нерэддж, джилэ зура деерэн немдж 250 центнер загъс бэрэд оруудж өгнэв гидж, наадк звеносиг дөрлдэнд дуудв. Социалистическ дөрлдэнд түрүн нүүрт йовх, загъс анхилгүна шүүгүлмүдин онгыгцсин болн моторн савин звеносиг квартал болгын ачлхин төлэ, мана колхозин правлень вымпелмүд болн мөнхгнэ мөрэ батлв.

Мана загъсчир, ода шундж кōдл- джэх бээдлэрнь авад халахла, өгсн үгэн күүцэдж, Алдр Октябрьск революцин 42-ч өбнд болн КПСС-н ЦК-н болх Пленумд кōдлмшиннь белгэн ца- глань нерэддж, диилвр бэрхнь лавта.

В. ГРИДНЕВ.

«Наспиец» колхозин партбюрон
сеглэтр.